

# Jova juva!

Th.I.

**G**lorificare Stylo Forensi nihil aliud notat, qvām in justum.  
qā peccatis æternisq; peccatorū pœnis & suppliciis absolve-  
re, justumq; pronunciare. Ad Testimonium citamus Ps.  
C.XLIII, 3. Es. V, 23. Rom. III, 20. 24. 26. 28. 30. IV, 2. 5. 25.

V, 1. VIII. 30. 33. & præter hæc loca Clarissima, Evangelii nostri Ca-  
put & Finem, qvō nōn solūm commate 9. Phariseos seipsoſ justificasse  
h. e. imaginariam justitiam sibi persvasisse, sed & v. 14. Publicanum  
verè justificatum descendisse dicitur. Justificationem, qvam Pontificii  
ex justitiæ infusione aut infusæ receptione fingunt & pingunt, Evan-  
gelium nostrum cum totâ Scripturâ ignorat, & nos cum eâ.

**I.** Ab alio verò nomine, nisi solo DEO, Fonte Salutis nostræ Il-  
lico, si in Causam Principalem inquirere libet, exspectari potest Ju-  
stificatio, cuius respectu qvoq; Activa dicitur, qvemadmodum re-  
spectu Hominum, qvi à DEO justificantur. Passiva est. Unus enim est  
Deus, qvi justificat per solam fidem, inquit Paulus Rom. III, 30. & Deus  
ipse Elaiæ XLIII, 25. hoc ipsum sibi adscribit, dum dicit, *Ego, Ego  
deleo iniquitates Tuas per meipsum & non recordor peccatorum Tuorum.*  
Hinc juxta primum Evangelii nostri intuitum, Utterq; , tum Phar-  
iseus, tum Publicanus ad Templum properant qvidem Augustissimum;  
Sed solus Publicanus Deū precibus supplicissimis cultuq; debito de-  
veneratur; Phariseus enim non se Dei, sed Deum sui Debitorum  
constituit, & ut eum Evangelio paucis multa complectamur, *seipsum  
justificat*, id est, justificationem suam non à DEO petit, sed à sei-  
pso pendere putat, & Deum nōn ut justitiæ ac salutis suæ Authorem  
& Datorem; verūm ut testem qvæsi & suffragatorem compellat. Qvæ  
importunitas merito Operum imaginario sua debet primordia.

**III.** Quid enim Opera ad Justificationem? Subjectum namq;  
hujus Homines sunt Peccatores & Impii, de qvibus Paulus Rom. III,  
25, adserit, *quod omnes peccaverint & gloriā Dei destituantur*, hoc est,  
peccato sint obnoxii & omni materia & occasione placendi Deo, vel  
qvic-